

बरतानिया अधारित इक कारोबारी प्रतिनिधिमंडल नै उप-राज्यपाल मनोज सिन्हा हुंदे कन्नै कल मलाटी कीती। इस दौरान जम्मू च आई.टी. ढांचे कन्नै जुड़े दे महत्वपूर्ण मामले- डिजिटल विस्तार लेई मदद ते तकनॉलोजी ते सेवा आहले क्षेत्र च अंतराश्ट्रीय सहयोग गी मजबूत करने दे मौके पर चर्चा होई।



LG- Maa Sukrala Coin

उपराज्यपाल मनोज सिन्हा होरें कल श्री सुकराला माता देवी जी दा सिक्का जारी कीता। इस सिक्के गी श्री मल्ल माता सुकराला देवी धार्मिक ट्रस्ट आस्सेया तयार कीता गया ऐ। एदे पर श्री सुकराला माता दी आकृति बनी दी ऐ। एह खास सिक्का प्रसाद दे कन्नै श्रद्धालुं गी दिता जाग। सुकराला माता मंदर कठुआ जिले दे बिलावर तहसील च स्थित ऐ। पुलस अकादमी उधमपुर दे निदेशक गरीब दास- ट्रस्ट दे मिम्बर बी इस समारोह दौरान जम्मू लोक भवन च मौजूद हे।



CM -Mission YUVA

मुख्यमंत्री उमर अब्दुल्ला होरें मिशन युवा तैहत हासल प्रगति दा आकलन करने आस्तै इक समीक्षा बैठक दी प्रधानता कीती। मिशन युवा जम्मू-कश्मीर च नौजवानें गी उद्यम कारखानादारी ते रोजगार दे मौके उपलब्ध करोआने आस्तै रम्भी गेदी इक बड़ी मती महत्वै आली पैहलकदमी ऐ। इस मौके पर बोलदे होई मुख्यमंत्री होरें आखेया जे मिशन युवा दी असली ताकत जमीनी सतह थवां सामने आवा दियां नौजवानें दी कामयाबी दियां कहानियां न। उनें आखेया जे सरकार दी जित्थे कुदे बी कोई रुकावट जां कमी पेशी नजरी औग उसी तुरत हटाई दिता जाग। उमर होरें इब्बी आखेया जे युवा उद्यमियें दी कामयाबी यकीनी बनाने आस्तै बक्ख-बक्ख मैहकमें ते बैकें बश्कार बेहतर तालमेल अत लाजमी ऐ। उनें

आखेया जे ए मिशन अजें अपने शुरुआती दौर च ऐ पर एदे नतीजें बड़े गैं दिल बदाने आले न।

<><><><><><>

CM -Anekha Devi

मुख्यमंत्री उमर अब्दुल्ला होरें कठुआ जिले दे बनी इलाके दी बसनीक अनेखा देवी गी महिला टी-20 ब्लॉड वर्ल्ड कप च बेहतरीन प्रदर्शन करने लेई सम्मानित कीता। इस प्रतियोगिता च भारत जतू रेया- अनेखा देवी इस जेतू टीम दा हिस्सा हियां। अनेखा नै जम्मू-कश्मीर दा मान बढ़ाया ऐ। मुख्यमंत्री होरें अनेखा दी निष्ठा- पक्के धेड़यै दी सिफ्त कीती ते आखेया जे उंदी उपलब्धी जम्मू-कश्मीर ते मुख्य लेई बड़ी मानै आहली गल्ल ऐ।

<><><><><><>

Itoo SAP's

समाज कल्याण मंत्री स्कीनी इतू होरें आखेया ऐ जे सरकार दिव्यांग लोकें दे अधिकारें ते जरूरतें बारे बड़ी संजीदा ऐ ते समूलचे जम्मू-कश्मीर च दिव्यांग लोकें दे मुआफक माहौल कायम करने आस्तै लगातार जतन कीते जा रदे न। मंत्री होरें ए गल्ल जम्मू दे कन्वेंशन सेंटर च कल आयोजित दिव्यांग लोकें सरबन्धी अंतराष्ट्रीय ध्याड़े आले कार्यक्रम गी सम्बोधित करदे होई आखी। किट्ठ अगगे भाषण दिंदे होई मंत्री स्कीना होरें दिव्यांग लोकें लेई इक समग्र ते पुज्ज आला वातावरण कायम करने लेई सरकार दी वचनबद्धता गी फही पक्का कीता।



Dar- RDD Review

ग्रामीण विकास ते पंचैती राज मंत्री जावेद अहमद डार होरें आखेया ऐ जे ग्राएं दे विकास आले कार्यक्रमें तैहत विकसित सम्पतियां मकामी लोकें दे हितें गी पूरा करने आलियां होनियां लोड़चदियां न। उनें आखेया जे इनें सम्पतियें गी कायम करने दा कम्म तय समे-सीमा दे अंदर-अंदर होना लोड़चदा ऐ ते ए मकामी समुदायें दियें जरूरतें दे मुजब होनियां लोड़चदियां। जम्मू च लाई गेदी इक जायजा बैठक दौरान मंत्री होरें महत्वपूर्ण प्रोग्रामें जियां एम.जी. नरेगा- प्रधानमंत्री आवास योजना ग्रामीण ते स्वच्छ भारत मिशन ग्रामीण तैहत हासल प्रगति दा मुलांकन कीता। मंत्री होरें इस गल्लै पर जोर दिता जे ग्रामीण विकास विभाग च लोड़चदा कोई बी सुधार लोकें दियें आसें-मेदें मुजब फौरी तौर पर कीता जाग। उनें आखेया जे ग्रामीण विकास आले कार्यक्रमें दी कारकदगी दे कन्ने आम लोकें दे ज़बात जुड़े दे हुंदे न इस करिये इंदे कन्ने कुसै किस्में दा कोई समझौता नई कीता जाई सकदा।



DGP –VDG's

ग्राम रक्षा गार्ड दे योगदान दी सराहना करदे होई जम्मू-कश्मीर पुलिस दे डायरेक्टर जनरल नलिन प्रभात होरें आखेया जे आतंकवाद-रोधी अभियानें च उन्दे बड़मुल्लें योगदान लेई जम्मू-कश्मीर पुलिस उनेंगी बल च पक्के तौर पर शामिल करने थवां पिच्छे नई हटोग। आकाशवाणी दे जम्मू संवाददाता मुजब डी.जी.पी. होरें ग्राम रक्षा गार्ड गी सुरक्षा प्रणाली दा

पैहला घेरा करार दिता ऐ। उनेँ ग्राम रक्षा गार्डे गी आग्रह कीता जे ओ लगातार सौहगे सतर्क रौहन ते सुरक्षा तंत्र गी मजबूत बनाने च पुलस ते होरनेँ सुरक्षाबलेँ गी सक्रियता कन्ने सहयोग दिंदे रौहन। आर.एस.पुरा सैक्टर च अंतराष्ट्रीय बन्ने दे नेड़े इक अगेत्रे ग्रां च इक सौ 10 शा मते ग्राम रक्षा गार्डे कन्ने गल्लबात करदे होई डी.जी.पी. प्रभात होरेँ आखेया जे जम्मू-कश्मीर पुलस उनेँगी उंदे शानदार कम्में ते दलेरी लेई ईनाम बी देग।

<><><><><><>